

謚

法

通

考

謚法通考卷之六

雲間王 圻編輯

巴郡趙可懷校正

平潮孫成泰 郢中朱一

龍江王應麟 西陵吳

梁帝后太子謚

太祖文皇帝姓蕭氏名順之蘭陵人漢蕭何之後初  
仕齊爲鎮北將軍謚懿武衍卽位追謚文皇帝 張  
皇后名尚柔范陽方城人父穆之母卽文皇從姑也

天監元年追謚獻

高祖皇帝名衍順之之子天監元年受齊禪太清三年崩謚武 郁皇后名徽高平金鄉人父曄宋太子

舍人母宋文帝女尋陽公主后先帝殂追謚德 丁

貴嬪名令光譙國人生昭明以普通七年薨謚穆

阮脩容名令羸曾稽餘姚人本姓石天監六年生元帝於宮中拜脩容賜姓阮大同六年薨謚宣元帝卽位追崇爲文宣太后 吳淑妃謚敬

太宗皇帝名綱武帝第三子大寶二年崩謚簡文

王皇后名靈寶瑯琊臨沂人父騫南昌安侯太清三年以太子妃薨帝卽位追謚簡皇后

世祖皇帝名繹武帝第七子承聖二年爲魏人所戕謚元 徐妃酷妬有穢行投井死以屍還徐謂之出妻無謚

敬皇帝名方智元帝子太平二年禪於陳陳奉爲江陰王薨謚敬 王皇后無謚

太子統字德施武帝長子大通二年謚昭明 妃蔡氏謚敬子晉立爲後梁主又謚爲昭德皇后

太子大器字仁宗簡文嫡長子大寶二年爲侯景所殺承聖元年追謚哀

太子方矩字元良江陵喪亡遇害敬帝承制追謚愍懷

後梁帝后謚

宣皇帝名詒字理孫昭明第三子爲張纘構於元帝奔魏魏人命主梁祀國於江陵號大定以大定八年殂謚宣皇帝

孝明帝名勰字仁遠晉之第三子在位二十三年以

隋開皇五年薨謚孝明皇帝

巋祖母龔太后以卽位之元年薨謚元

巋嫡母王太后以卽位之二年薨謚宣靖 巋生母

曹太妃以卽位之元年薨謚孝

梁宗室謚

步兵校尉吳平侯尚之字 帝兄天監初謚文

宣

故齊東陽太守東昌侯崇之字茂敬尚之弟天監初

追謚忠簡

崇之子吳平侯景字子昭普通四年贈侍中中撫軍  
開府儀同三司謚忠

景子勵字文約武帝時謚元

景弟湘陰侯昂字子明大同元年謚恭

昂弟晉陵太守贈湘州刺史昱字子真武帝時謚恭  
長沙王懿字元達文帝長子天監元年追謚宣武

懿子業字靜曠普通七年謚元

業子孝儼字希莊普通七年謚章

業弟臨汝侯猷爲吳興郡守與楚王廟神交因謚靈

敵弟貞陽侯淵明字靖通承聖四年稱尊號已復爲  
太傅建安王後北齊文宣納永嘉王莊主梁祀追謚  
閔皇帝 莊貞陽侯子也

永陽王敷字仲達文帝第二子天監初追謚昭  
敷子伯遊字士仁天監五年謚恭

衡陽王暢文帝第四子天監元年追謚宣  
暢子元簡字熙遠天監十八年謚孝

桂陽王融文帝第五子天監元年追謚簡

融嗣子象字世翼本長沙宣武王第九子大同三年



謚敦

臨川王宏字宣達文帝第六子普通七年謚靖惠

宏子吳興太守正仁字公業天監十年謚哀

正仁弟建安侯正立字公山謚敏

安成王秀字彥達文帝第七子天監十七年謚康

秀子機字智通大通二年謚煬

南平王偉字文達文帝第八子普通五年謚元襄

偉子衡山侯恭字敬範元帝時贈侍中左衛將軍謚

傳

齊陽王恢字弘達文帝第十子普通七年謚忠烈  
始興王憺字僧達文帝第十一子天監十八年謚忠  
武

憺子廣信侯暎字文明謚寬

暎弟上黃侯暉字通明以言行相達謚替

南康王績字世謹武帝第四子大通三年謚簡

廬陵王續字世訢武帝第五子大同元年謚威

邵陵王綸字世調武帝第六子爲魏人所殺後梁主

啓贈太子謚安元帝時劉勣議忌政交外謚攜

晉王歡字孟孫武帝孫昭明子謚安

世子方等字實相元帝長子承聖時謚忠壯又改謚  
武烈

世子方諸字智相元帝第二子爲侯景所害承聖時  
追謚貞惠

贈丞相河東王譽譽之兄大定元年追謚武桓

梁王世子崇譽長子譽稱帝追謚孝惠太子

侍中中衛將軍岌譽第六子熈之五年贈司空謚孝

梁諸臣謚

豐伯蕭穎胄字雲長故齊南豐伯赤斧子天監元年追封巴東郡公謚獻武

通直散騎常侍衛將軍唐縣開國侯蕭穎達赤斧第五子天監九年謚康

寧遠將軍吳郡太守蕭子恪字景冲故齊豫章文獻王子普通二年謚恭

大中大夫秘書監贈金紫光祿大夫蕭子範字敬則子恪第五弟元帝時謚文

仁威將軍吳興太守蕭子顯字景陽子範弟大同三

年手勅以恃才傲物謚驕

金紫光祿大夫醴陵侯江淹字文通濟陽考城人天  
監元年謚憲

衛尉卿贈散騎常侍車騎大將軍洸陽縣侯張弘策  
字貞簡范陽方城人爲東昏黨孫文明所害天監初  
謚愍

使持節都督雍梁北秦東益郢州之竟陵司州之隨  
郡諸軍事平北將軍寧蠻校尉張纘字伯緒弘策子  
出後弘籍爲晉所害元帝承制謚簡獻

散騎常侍尚書右僕射霄城侯范雲字彥龍南鄉舞  
陰人天監二年謚文

初禮官請謚曰宜勅賜謚文

衛尉卿散騎常侍寧都縣侯楊公則字君翼天水西  
縣人天監四年謚烈

尚書左僕射金紫光祿大夫豐城縣公夏侯詳字叔  
業譙郡人天監六年謚景

使持節都督豫州緣淮南豫霍義定五州軍事平北  
將軍豫南豫二州刺史豐城縣公夏侯亨字世龍詳

子中大通元年謚襄

使持節都督豫淮陳潁建霍義七州諸軍事豫州刺史保城侯夏侯夔字季龍賈弟大同四年謚桓

通直散騎常侍右衛將軍贈散騎常侍護軍將軍東興縣侯鄭紹叔字仲明滎陽開封人天監六年謚忠使持節安南將軍湘州刺史曲江縣侯柳惔字文通河東解人天監六年謚穆

給事中光祿大夫州陵伯柳忱字文深惔弟天監十年謚穆

使持節都督雍梁南北秦四州諸軍事安北將軍寧  
蠻校尉雍州刺史雲杜侯柳慶遠字文和忱從父天  
監十年謚忠惠

寧朔將軍新安太守贈太常任昉字彥升樂安博昌  
人天監七年謚敬

右衛將軍開府儀同三司湘西縣侯曹景宗字子震  
新野人天監七年謚壯

中書監司徒衛將軍謝朓字敬冲陳郡陽夏人天監  
八年謚靖孝一單謚靖



中書監散騎常侍豫章縣公王亮字奉叔瑯琊臨沂人天監九年謚煬

左光祿大夫開府儀同三司建城縣公王瑩字奉光亮從父兄天監十五年謚靜恭

散騎常侍領軍將軍贈驃騎將軍開府儀同三司平固縣侯呂僧珍字元瑜東海范陽人天監十年謚忠敬

特進光祿大夫侍中太子少傅建昌縣侯沈約字休文吳興武康人天監十二年謚隱

初有司謚曰文武帝曰謚曰隱改謚隱

南康內史沈旋字士規約子謚恭

侍中太尉王茂字休遠太原祁人天監十二年謚忠烈

散騎常侍國子祭酒贈侍中護軍將軍張克字延符吳郡人天監十三年謚穆

通直散騎常侍丹陽尹宜陽縣侯王珍國字德重沛郡相人天監十四年謚威

信武將軍豫州刺史南汝陰太守贈左衛將軍滄淮

縣侯馬仙理字靈馥扶風郿人天監十四年謚剛

東陽太守湘西侯席闡文安定臨涇人武帝天監中謚威

左衛將軍通直散騎常侍石陽縣侯張惠紹字德繼義陽人天監十八年謚忠

衛尉卿太子左衛率張澄惠紹子謚愍

散騎常侍領左軍將軍豫寧伯馮道根字巨基廣平鄴人普通元年謚威

侍中車騎將軍梁都侯常叡字懷文京兆杜陵人普

元年謚嚴

符節督北徐州諸軍事信武將軍北徐州刺史永昌  
縣侯韋放字元直叡子大通二年謚宣

散騎常侍贈護軍將軍韋粲字長倩叡之孫與侯景  
戰死賊平簡文追謚忠貞

持節督豫州北豫霍三州諸軍事豫州刺史宣毅將  
軍贈侍中左衛將軍夷陵縣子裴邃字深明河東聞  
喜人普通五年謚烈

少府卿裴之禮字子義邃子謚壯

特進金紫光祿大夫都城縣男裴之高字如山遠姪  
元帝承制謚恭

使持節鎮北將軍徐州刺史都督衆軍贈侍中司空  
豫章侯裴之橫字如嶽之高弟沒於陣晉安王承制  
謚忠壯

侍中王峻字茂遠瑯琊臨沂人普通三年謚惠

散騎常侍金紫光祿大夫王志字次道瑯琊臨沂人  
齊侍中僧虔子普通四年謚安

散騎常侍左驍衛將軍王泰字仲通志兄慈之子天

監時謚夷

秘書監王彬字思文志弟天監時謚惠

度支尚書贈侍中金紫光祿大夫南昌侯王鸞字思寂本名玄成志從子儉之子普通三年謚安

左民尚書贈散騎常侍光祿大夫南昌侯王規字威明鸞之子大同二年謚章一謚文

尚書左僕射領國子祭酒王暕字思晦鸞弟普通四年謚靖

戎昭將軍東陵太守王承字安期暕子大同時謚章

侍中王訓字懷範承弟謚溫

侍中尚書王贍字思饒志從父兄武帝時謚康

承寧太守安昌侯張齊字子嚮馮翊郡人普通四年  
謚壯

護軍將軍營道侯昌義之歷陽烏江人普通四年謚  
烈

宣毅將軍吳郡太守蔡搏字景節濟陽考城人普通  
四年謚康

侍中特進左光祿大夫王份字秀文瑯琊臨沂人普

五年謚胡

吏部郎中贈侍中王錫字公嘏倂之孫大通六年謚  
貞

太子中庶子贈侍中王儉字公會錫弟承聖三年以  
賢而不伐追謚恭

右驍衛將軍知詹事贈侍中護軍將軍字昇逸  
汝南安城人普通五年謚簡

使持節散騎常侍爪牙將軍南城縣侯王神念太原  
祁人普通六年謚壯元帝時改謚忠



西陽武昌二郡太守贈左衛將軍吉士瞻字梁容馮翊蓮勺人普通七年謚胡

衛尉卿南陽縣男康詢字長明華山藍田人普通七年謚壯

光祿大夫江舊字彥標濟陽考城人大通元年謚蕭散騎常侍兼國子祭酒贈侍中明山賓字孝若平原高人大通元年謚質

潯陽太守贈侍中到洽字仲度彭城武原人大通元年謚理

散騎常侍金紫光祿大夫本州大中正傅昭字茂遠  
北地靈州人大通二年謚貞

光祿大夫領步兵校尉南北兗二州大中正江革字  
休映濟陽考城人大通二年謚彊

宣惠將軍金紫光祿大夫監揚州事孔休源字慶緒  
會稽山陰人大通四年謚貞

金紫光祿大夫特進揚州大中正陸杲字明霞吳郡  
人大通四年謚質一謚靖

侍中特進金紫光祿大夫贈本官加雲麾將軍蕭琛

言  
字彥瑜蘭陵人中大通元年謚平

鴻臚卿領步兵校尉贈散騎常侍裴子野字幾原河  
東聞喜人中大通二年謚貞

先是五等君及侍中以上乃有謚子野特以令  
望見嘉故賜謚焉

國子祭酒散騎常侍殷鈞字季和陳郡長平人中大  
通四年謚貞

特進右光祿大夫侍中中衛將軍徐勉字脩仁東海  
郟人大同元年謚簡肅

持節都督南北司西豫豫四州諸軍事仁威將軍南  
北司二州刺史永興縣侯陳慶之字子雲義與人大  
同五年謚武

秦州刺史杜懷寶京兆杜陵人大同五年謚桓

散騎常侍江州刺史枝江縣公杜崩懷寶子承聖時  
謚武

侍中司空袁昂字千里陳郡陽夏人大同六年謚穆  
正

吏部尚書劉孺字孝雅彭城人大同八年謚孝

領軍將軍臧盾字宣卿東莞莒人大同八年謚忠

鴻臚卿贈散騎常侍顧協字正禮吳郡人大同八年謚溫

大尉宋王元法僧魏氏支屬明帝孝昌元年南奔武帝時謚襄厲

太子左衛率贈侍中徐摛字士秀東海郟人太宗被侯景幽閉感疾卒謚貞

吳興太守贈侍中中衛將軍開府儀同三司張曠字四山吳郡人爲侯景所害元帝時謚忠貞

戎昭將軍通直散騎常侍南津校尉贈侍中江子一  
字元貞濟陽考城人元帝時謚義

尚書左丞贈黃門侍郎江子匹子一弟元帝時謚毅  
東宮直殿主帥贈中書侍郎江子五子四弟兄弟俱  
死侯景之難元帝時謚烈

湘州刺史贈十五州諸軍事揚州刺史侍中特進開  
府錄尚書事巴陵郡王王琳字子珩會稽山陰人爲  
陳將吳明徹所害敬帝時謚忠武

贈侍中太常卿陳道巨卽陳高祖霸先之祖太平二

年謚孝

北豫州刺史成景雋字超范陽人能爲父復讐言謚忠烈

右衛將軍當陽縣侯鄧元起字仲居南郡當陽人謚忠

後梁主晉之臣謚

中書監中權大將軍領吏部尚書贈司徒安豐公蔡大寶字敬位濟陽考城人薨之三年謚文凱

散騎常侍衛尉卿都官尚書太常卿贈金紫光祿大

六蔡大業字敬道大寶弟謚簡

侍中中衛將軍尚書令開府儀同三司領荊州刺史  
贈司空新康公王操字子高其先太原晉陽人晉母  
龔氏之外弟謚爲康節

柱國車騎將軍贈司空上黃縣侯魏益德襄陽人謚  
卽位初謚忠壯

大將軍贈大尉楚興縣公李廣會稽人爲吳明徹所  
禽不屈被害謚忠武

散騎常侍起部尚書贈太常卿岑善方字思義南陽



棘陽人謚敬

度支尚書贈太常卿傅准北地人薨之七年謚敬康  
護軍將軍新野侯尹正天水人謚剛

陳帝后世子謚

太祖皇帝姓陳氏名文讚吳興長城下若里人梁敬  
帝太平元年追贈侍中光祿大夫封義興郡公謚恭  
永定元年霸先受禪追謚景 董皇后追謚安文帝  
天嘉元年改謚景文 張氏太平二年追封義興國  
太夫人謚宣 張氏高祖前母故不加尊號

高祖皇帝名霸先文讚子太平二年受梁禪永定三年薨謚武 章皇后名要兒吳興烏程人本姓鈕父景明爲章氏所養因姓焉母蘇初帝爲長城縣公拜夫人後立爲皇后薨謚武宣 帝先娶同郡錢仲方女早卒後追尊爲皇后謚昭

世祖皇帝名蒨武帝兄始興昭烈王之長子天康元年崩謚文 沈皇后無謚

高宗皇帝名顛始興昭烈王次子光大二年嗣廢帝卽位大建十三年崩謚孝宣 柳皇后無謚

後主名叔寶宣帝子隋文帝謚爲煬

武帝世子克永定元年追號爲太子謚孝懷

陳宗室謚

始興王道談高祖兄梁敬帝太平二年贈南兖州刺史  
史長城縣公謚忠烈 一謚昭烈

南康王休光高祖弟太平二年贈侍中南徐州刺史  
武康縣侯謚忠壯 休光子曇朗爲齊人所害天嘉  
二年贈侍中安東將軍開府儀同三司南徐州刺史

謚愍

永修侯擬字公正高祖疎屬天嘉元年謚定

豫章王立高祖子永定二年追謚獻

長沙王權高祖子永定二年追謚思

衡陽王昌字敬業高祖第六子世祖天嘉元年溺于

江謚獻

河東王叔獻字子恭高宗第九子大建十二年謚康

簡

陳公主謚

永世公主高祖長女永定二年追謚懿

陳諸臣謚

使持節通直散騎常侍平北將軍南兖州刺史臨江  
縣侯杜僧明字弘照廣陵澤人高祖初謚威

使持節散騎常侍鎮南將軍開府儀同三司贈侍中  
司空壽昌縣公周文育字景德義興陽美人爲熊曇  
朗所害高祖時謚忠愍

廣德侯章景明吳興武康人宣皇后父永定三年追  
謚溫

贈光祿大夫建成侯沈法深吳興武康人文帝后父

卽位追謚恭

安左將軍散騎常侍北江州刺史彭澤縣侯魯悉達  
字志通扶風郿人文帝初謚孝

散騎常侍吳興太守漢陽縣侯胡頴字方秀吳興東  
遷人文帝天嘉元年謚壯

使持節都督湘桂郢巴武元六州諸軍事湘州刺史  
贈侍中驃騎大將軍大司馬零陵郡公侯瑱字伯玉  
巴西充國人天嘉二年謚壯肅

員外散騎侍郎侯敦始興曲江人天嘉二年墮馬卒

追謚愍

太子中庶子領大著作揚州大中正贈侍中虞荔字  
山披會稽餘姚人天嘉二年謚德

明威將軍通直散騎常侍贈侍中原鄉侯沈炯字禮  
明吳興武康人天嘉時謚恭

貞外散騎常侍中書舍人贈司農卿顏光字元明琅  
琊臨沂人天嘉二年謚貞

散騎常侍都督衡州諸軍事開府儀同三司征南將  
軍陽山郡公歐陽頎字靖世長沙臨湘人天嘉四年

穆

安前將軍右光祿大夫魚復縣侯徐世譜字興宗巴東魚復人天嘉四年謚桓

貞外散騎常侍安遠將軍贈直散騎常侍徐世休世譜弟光大二年謚壯

使持節散騎常侍都督南豫州綠江諸軍事南豫州刺史西豐縣侯周敷字仲遠臨川人爲周廸所害天嘉五年謚脫

使持節安北將軍散騎常侍都督霍晉合三州諸軍



事合州刺史興寧縣侯荀朗字深明潁陰人天嘉六年謚壯

右衛將軍領前將軍贈侍中始平縣伯趙知禮字齊旦天水隴西人天嘉六年謚忠

散騎常侍右衛將軍贈仁威將軍光祿大夫裴之平河東聞喜人文帝天康元年謚僖

左衛將軍領衛尉卿壽昌縣公周寶安字安民文育子天康元年謚成

雲旗將軍西陽武昌一郡太守陸山才字孔章吳郡

大天康元年謚簡

散騎常侍中書令領前將軍謝哲字穎豫陳郡陽夏人廢帝臨海王光大元年謚康

五兵尚書蕭乾字思惕蘭陵人光大元年謚靜

特進左光祿大夫領丹陽尹贈侍中司空東安亭侯王冲字長深琅琊臨沂人光大元年謚元簡

侍中尚書左僕射王瑒字子與冲子大建六年謚光侍中王瑜字子珪瑒弟天嘉二年謚貞

尚書左僕射袁樞字踐言陳郡陽夏人光大元年謚

簡懿

雲旗將軍司徒左長史贈金紫光祿大夫袁泌字文洋樞從父光大元年謚質

太常卿散騎常侍特進金紫光祿大夫袁敬字子恭泌之兄後主至德三年謚靖德

使持節都督郢巴武三州諸軍事安西將軍郢州刺史重安公程靈洗字玄滌新安海寧人光大二年謚忠壯

司空使持節車騎將軍贈太尉湘東郡公徐度字孝

節安陸人光大二年謚忠肅

持節都督安元潼三州諸軍事壯武將軍安州刺史  
湘東郡公徐敬成度之子大建七年謚思

都官尚書領羽林監豫州大中正贈侍中中書令謝  
緞字含茂陳郡陽夏人宣帝大建元年謚光

雲麾將軍義興太守建成侯沈欽法深子大建元年  
贈侍中特進翊左將軍謚成

都督荊州刺史益陽縣侯陸子隆字興世吳郡吳人  
大建元年謚威

使持節都督郢巴武三州諸軍事雲麾將軍郢州刺史永安縣侯錢道戡字子韜吳興長城人大建二年謚肅

大府卿都官尚書王質字子貞臨沂人大建二年謚安

尚書右僕射領右軍將軍王勸字公濟質之兄大建四年謚溫

特進左光祿大夫侍中安右將軍王通字公達濟兄宣帝大建六年謚成

大中大夫太常卿南徐州大中正王固字子堅通弟  
至德二年謚恭

中書令驍騎將軍揚東揚二州大中正金紫光祿大  
夫張種字士苗吳郡吳人大建五年謚元

金紫光祿大夫贈侍中領軍將軍沈巡吳興人謚敬  
侍中尚書右僕射贈翊左將軍開府儀同三司望蔡  
縣侯沈君理字仲倫巡之子大建五年謚貞憲

衛尉卿平越中郎將都督廣州刺史沈君高字季高  
君理第六弟大建十年謚和

尚書右僕射贈侍中中書監周弘正字思行汝南安  
城人大建六年謚簡

持節西道都督安蘄江衡司定六州諸軍事平北將  
軍定州刺史龍源侯周炅字文昭汝南安城人大建  
八年謚壯

侍中散騎常侍持節都督豫建光朔合北徐六州諸  
軍事征西大將軍豫州刺史儀同三司義陽郡公黃  
法甗字仲昭巴山新建人大建八年謚威

少府卿贈廷尉卿陸見賢吳郡吳人大建十年謚平

尚書左僕射贈特進陸縉字士儒見賢從父大建十二年謚安

侍中光祿大夫永成縣侯杜稜字雄盛吳郡錢塘人  
大建十三年謚成

忠毅將軍散騎常侍桂州刺史汝南侯贈廣州刺史  
吳超秦郡人謚節

侍中安右將軍左光祿大夫太子少傅南徐州大中  
正贈鎮右將軍特進建昌侯徐陵字孝穆東海郟人  
至德元年謚章儁



散騎常侍特進金紫光祿大夫東興侯沈恪字子恭  
吳興武康人至德初謚元

散騎常侍右衛舍人贈侍中護衛將軍文招侯司馬  
申字季和河內溫人至德四年謚忠 申善爲佞倖  
嘗言長尚書省下有烏啄其口流血

五兵尚書宮陽侯孫瑒字德璉吳郡吳人禎明元年  
謚桓

度支尚書贈侍中撫軍將軍新豐縣侯蔡景歷字茂  
世濟陽考城人初謚敬禎明三年謚忠敬

北魏帝后謚

成皇帝名毛世爲代北鮮卑君長姓拓跋氏後改氏  
元追謚成

節皇帝名貸追謚節

莊皇帝名觀追謚莊

明皇帝名樓追謚明

安皇帝名越追謚安

宣皇帝名推寅追謚宣

景皇帝名利追謚景

元皇帝名佚追謚元

和皇帝名肆追謚和

定皇帝名機追謚定

僖皇帝名蓋追謚僖

威皇帝名滄追謚威

獻皇帝名憐追謚獻

聖武帝名喆汾獻皇子追謚聖武

始祖神元皇帝名力微聖武子年一百四歲卒支卽

位尊爲始祖謚神元

文皇帝名沙漠汗神元子謚文

章皇帝名悉鹿神元子謚章

平皇帝名綽章帝弟謚平

思皇帝名弗文帝少子謚思

昭皇帝名祿官神元子謚昭

桓皇帝名綺也文帝長子謚桓

穆皇帝名新廬桓帝弟謚穆

太祖平文皇帝名鬱律思帝子謚平文廟號太祖

惠皇帝名賀儻桓帝仲子謚惠

煬皇帝名紇那惠帝弟謚煬

烈皇帝名翳槐平文長子謚烈

高祖昭成皇帝名什翼犍平文次子謚昭成廟號高祖

獻明皇帝名寔昭成子謚獻明

太祖道武皇帝名珪獻明子以登國元年卽代王位天興元年卽帝位天賜六年爲拓跋紹所弒永興二年謚宣武泰常六年改謚道武 劉皇后登國初爲夫人明元卽位追尊爲太后謚宣穆

太宗明元皇帝名嗣道武長子天賜六年冬十月卽位泰常八年崩謚明元 姚皇后父興初爲夫人泰恒五年追尊爲皇后謚昭哀 杜皇后魏郡鄴人陽平王超之妹也初爲貴嬪泰恒五年太武追尊爲皇后謚密

世祖太武皇帝名燾明元長子泰常八年十月卽位正平二年爲宗愛所弑謚太武 賀皇后代人初爲夫人神麀元年薨後追尊爲皇后謚敬哀

高宗文成皇帝名濬太武嫡孫景穆太子之子正平

二年十月卽位和平六年崩謚文成 馮皇后長樂  
信都人父朗母樂浪王氏后太和十四年崩謚文明  
顯祖獻文皇帝名弘文成長子和平六年五月卽位  
皇興五年崩謚獻文 李皇后中山安喜人南郡王  
惠之女初拜夫人承明元年追尊爲皇后謚思

高祖孝文皇帝名宏獻文長子皇興五年卽位太和  
二十三年崩謚孝文 林皇后平涼人父勝平原太  
守后以太和七年薨謚貞 馮皇后父熙太師母常  
氏后有寵於孝文孝文死遺詔殺之以有嬖行也謚

幽 高皇后司徒公肇之妹父颺母蓋氏后薨謚文昭貴人宣武以所生追尊爲后

世宗宣武皇帝名恪孝文第二子太和二十三年卽位延昌四年崩謚宣武 于皇后以十四爲貴人甚見寵立爲皇后後暴崩謚順 胡皇后安定臨涇人父國珍母皇甫氏初誕明帝進位充華嬪明帝踐祚尊爲皇后爾朱榮亂沉於河孝武時追謚曰靈

肅宗孝明皇帝名詡宣武第二子延昌四年正月卽位武泰元年崩謚孝明 胡皇后卽靈太后從兄盛



之女武泰初入道出居瑾光寺

敬宗孝莊皇帝名子攸彭城王總第三子武泰元年  
四月卽位永安三年爲爾朱榮之黨所殺中興二年  
謚武懷大昌元年又謚孝莊

節閔帝名恭字脩業廣陵惠王羽之子普恭元年卽  
位二年爲高歡所弒西魏追謚節愍

孝武皇帝名脩字孝則廣平王懷之子以後廢帝中  
興二年卽位永熙三年爲宇文泰鴆弒謚孝武

孝靜皇帝名善見清河王亶之子永熙三年十月卽

位是爲東魏武定八年遜位於齊封爲中山王齊天保二年殂三年謚孝靜 后高氏齊獻武王第二女受禪後復爲楊遵彥妻

文皇帝名寶炬孝文之孫京兆王愉之子大統元年卽位是爲西魏十七年崩謚文 乙弗皇后洛陽人父瑗儀同三司兗州刺史母淮陽長公主孝文之第四女后以郁久閭悼后故出家爲尼尋賜死帝追念不已謚文皇后 郁久閭皇后蠕蠕主阿那瓌之長女年十六以產而崩謚悼

恭皇帝名廓文皇第四子廢帝三年正月卽位在位  
三年遜位於周封爲宋公尋殂謚恭

恭宗皇帝名滉太武長子延和元年立爲皇太子正  
平元年薨謚景穆興安元年追尊爲皇帝 妃郁久

間氏謚恭皇后

文穆皇帝名勰字彥和獻文子初封彭城王永平元  
年爲高肇所殺謚武宣後莊帝以所生父追謚文穆  
皇帝 妃李氏謚文穆皇后

孝宣皇帝名劼字子納勰之子初襲封彭城王遇害

河陰莊帝追謚孝宣皇帝 妃李氏謚文恭皇后

孝穆皇帝名懷孝文子初封廣平王熙平二年薨謚

文穆孝武以祖故追謚武穆皇帝 妃馮氏謚武穆

皇后

文景皇帝名愉字宣德孝文子初封京兆王大統元年文皇以所生父追謚文景皇帝

北魏宗室謚

順陽王郁桓帝後獻文追謚簡

高涼王孤平文帝子道武時謚神武

孤之孫禮謚懿

孤六世孫松滋侯萇謚成

孤六世孫上黨王天穆節閔帝時謚武昭

贈河間公興都烈帝孫獻文時謚宣

興都子樂成侯丕宣武景明四年謚平

淮陵侯贈高平公大頭烈帝曾孫謚烈

河間公齊烈帝玄孫謚敬

秦王翰昭成第三子建國十年謚明

翰子陰平王烈以迎立太宗功封謚僖

烈翁秦王觚爲慕容驎所害太祖追謚愍

翰孫中山王纂謚簡

纂子新蔡公幹文成時謚昭

幹子沛郡公禎謚簡

常山王素昭成孫明元時謚康

素子城陽公忠孝文太和四年謚宣

忠子贈豫州刺史秉字壽興爲王顯讒死胡太后臨

朝追謚莊

忠弟平城鎮將淑孝文時謚靜

淑子馮翊王季海字元泉謚穆

忠弟德之子光州刺史惺謚恭

惺子尚書左僕射贈使持節都督中外諸軍事司空  
公惺字景夔明帝神龜元年謚文憲

惺子瀛州刺史贈司徒公嶷字子仲孝靜時謚靖懿  
素孫陳郡王玄孝武時謚平

秉弟盛之子北平王懋字伯邕孝武時謚貞慧  
秉弟益生子魏郡王毗字休弼謚景

陳留王凌昭成子紇根之子太祖時謚桓

虔之子崇太祖時謚景

虔兄顛之子隴西公綸文成時謚定

武遂子拔干昭成孫意烈之子謚靈

臨淮王他道武孫太和十二年謚靖

他子平北將軍幽州刺史篤字阿戎謚貞

他孫臨淮王顯謚僖

顯子世遵孝昌元年謚康

世遵弟均之子安康伯忻之爲反賊樊子鵠所害以

死王事謚文貞



武昌王提道武孫獻文大安元年謚成

提子平原太和十二年謚簡

平原次子鑿字紹達謚悼

南平王霄道武曾孫太和十七年謚安

霄孫伯和宣武永平八年謚哀

霄子江陽王繼字世仁以後江陽王根莊帝永安二

年謚武烈

繼子給事黃門侍郎金紫光祿大夫贈使持節都督  
涇岐秦三州諸軍事衛將軍尚書左僕射秦州刺史

爽孝武永熙二年謚懿

樂平王丕明元子謚戾

安定王彌明元子謚殤

永昌王健明元子謚莊

樂安王良明元孫文成時謚簡

臨淮王譚太武子謚宣

譚子長鄉侯提宣武時謚懿

叔子臨淮王昌字法顯宣武時謚康

昌子彧字文若永熙末謚文穆

昌弟萬年鄉男孚字秀和謚文簡

廣陽王建閭太武子謚簡

建閭子石侯謚哀

石侯子遺興謚定

石侯弟嘉宣武時謚懿烈

嘉子深字智遠爲葛榮所害莊帝時謚忠武

深子湛字士淵謚文獻

南安王余太武子太武崩宦者宗愛迎立爲帝復爲  
愛所殺文成葬以王禮謚隱

陽平王新成太武長子晃之子謚幽

新成長子曠宣武景明六年謚莊

曠弟廣陵侯衍字安樂謚康

濟陰王小新成晃子謚惠

小新成子弼字邕明初奪爵建義元年子暉業訴復  
永安三年追謚文獻

弼子衛將軍右光祿大夫昭業謚文

小新成子麗字寶掌宣武時謚威

小新成孫誕字曇首謚靜

汝陰王天賜晃子孝文時謚靈

天賜子齊州刺史暹字萬安謚威

天賜子雍州刺史贈司空脩義字安謚文

安昌王均脩義子西魏謚爲平

樂良王萬壽晃子文成時謚厲

萬壽子樂平謚康

廣平王洛侯晃子文成時謚殤

洛侯嗣子濟南王匡字建扶本陽平幽王子孝昌初

謚文貞

任城王雲晃子太和五年謚康

雲子澄字道鎮神龜二年謚文宣

澄子彞字子倫莊帝初河陰遇害謚文

彞兄東阿縣開國公順字子和河陰遇害莊帝謚爲

文烈

澄弟高平侯嵩字道岳文成時謚剛

嵩次子世儁孝靜興和中謚躁戾

南安王楨晃子太和二十年謚惠

楨子中山王英字虎兒宣武永平三年謚獻武

英子熙字貞興延昌二年爲長史柳元章等所害謚

文莊

熙弟右將軍南徐州刺史贈儀同三司都昌縣開國伯誘字惠與謚恭

誘弟東平王畧字儁與河陰遇害謚文貞

城陽王長壽晃子孝文延興五年謚康

長壽子鸞字宣明宣武正始二年謚懷

鸞子徽字顯順永熙初謚文獻

章武王太洛晃子獻文皇興二年謚敬

樂陵王胡兒晃子文成和平四年謚康

胡兒嗣子思譽本汝陰王天賜子正始四年謚密

思譽子景畧字世彥明帝熙平元年謚惠

安定王休晃子太和十八年謚靖

休孫宋安王琰字伏寶謚懿

晃孫饒陽王遙字太原靈太后時謚宣

遙弟侍中恒字景安死於河陰之難謚宣穆

晃玄孫京兆王恂字魏慶孝靜時卒於司州刺史謚

文



安樂王長樂文成子孝文時謚厲

長樂子詮字搜賢謚武康

銓子尚書令贈太尉斌之字子爽文帝末謚武襄

廣川王畧文成子太和四年謚莊

畧子諧字仲和太和十九年謚剛

諧子靈道謚悼

齊郡王簡字叔亮文成子太和二十三年謚靈宣武  
時改謚順

簡子祐字伯授謚敬

河間王若字叔儒文成子未封而薨追謚孝

安豐王猛字季烈文成子太和中謚匡

猛子延明永熙初謚文宣

趙郡王幹字思直獻文子太和二十二年謚靈

幹子謚孝明正光五年謚貞景

謚子毓字子春河陰遇害謚宣恭

謚兄諶字伯興孝靜天平三年謚孝懿

廣陵王羽字叔翻獻文子宣武時謚惠

羽子欣字慶樂恭帝初謚容

高陽王雍字思穆獻文子河陰遇害謚文穆

雍子泰字伯昌謚文孝一單謚文

泰弟新陽縣開國伯誕字文發天平三年謚文獻

北海王詳字季豫獻文子宣武永平元年謚平

始平王子正總之子遇害河陰莊帝時謚貞

汝南王悅孝文子孝武忌而殺之謚文宣

清河王懌字宣仁孝文子爲元義所害神龜二年追

封爲范陽王謚文獻

謚法通考卷之六